



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-1-40-329-6/21**

Datum: **02.09.2021. godina**

«Agencija za vodno područje rijeke Save» Sarajevo rješavajući po zahtjevu Investitora „RCB NANOTEHNOLOGIJA“ d.o.o., Sarajevo za izdavanje prethodne vodne saglasnosti za ispuštanje tehnoloških otpadnih voda i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada poslovnog kompleksa koji se sastoji od više pojedinačnih objekata za proizvodnju granuliranog karbona i drugih proizvoda primjenom nanotehnologije, u općini Vogošća, na osnovu člana 109. stav (1) tačka 2. i stav (2). tačka 1. Zakona o vodama («Službene novine Federacije BiH», broj 70/06 i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), **donosi**

R J E Š E N J E **o prethodnoj vodnoj saglasnosti**

1. Investitoru, „RCB NANOTEHNOLOGIJA“ d.o.o., Sarajevo daje se prethodna vodna saglasnost za ispuštanje tehnoloških otpadnih voda i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada poslovnog kompleksa koji se sastoji od više pojedinačnih objekata za proizvodnju granuliranog karbona i drugih proizvoda primjenom nanotehnologije, na zemljištu označenom kao k.č. broj: 2751/7, 2751/8, 2751/9, 2751/12, 2751/13, 2751/14, 2751/15, 2751/16, 2751/17 K.O. Vogošća, općina Vogošća.
2. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod sljedećim uslovima:
 - 2.1. Izraditi investiciono tehničku dokumentaciju na nivou glavnog projekta potrebnu za pribavljanje vodne saglasnosti za ispuštanje tehnoloških otpadnih i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta sa lokacije poslovnog kompleksa koji se sastoji od više pojedinačnih objekata. Investiciono-tehnička dokumentacija treba biti urađena od strane pravnog lica koje ima ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva koja treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20) koja su bitna za konkretan slučaj, a naročito:
 - Na osnovu proračuna količina vode, potrebnih za nesmetan rad predmetnih objekata (potrebne količine sanitarne vode, potrebne količine vode za tehnološke potrebe, vode za pranje opreme, i sl.), obraditi tehničko rješenje snabdijevanja vodom i ispuštanja voda iz predmetnog kompleksa, sa svim potrebnim grafičkim prilogima i tehničkim opisom.
 - Dati rješenje prikupljanja i odvodnje atmosferskih voda sa krovova objekta (samo oborinske vode sa krovova se mogu bez prečišćavanja upustiti u recipijent), tehnoloških otpadnih voda od pranja, atmosferskih voda sa platoa, saobraćajnih, radnih i manipulativnih površina koje mogu biti onečišćene suspendovanim i drugim materijama i sanitarno-fekalnih otpadnih voda, te način prečišćavanja i disponiranja istih.
 - Tehničko-tehnološko rješenje načina obavljanja kompletnog proizvodnog ciklusa (od dopreme materijala i sirovina do isporuke gotovog proizvoda) sa mjerama za otklanjanje i ublažavanje uticaja svih aktivnosti na pogoršanje režima voda, tehničkim opisom i grafičkim prilogima;
 - Proračun količina i sastava otpadnih voda koje mogu nastati na lokaciji poslovnog objekta i pripadajućim objektima (skladišta hemikalija, skladišta gotovog proizvoda, pogoni i radionice, manipulativni i parking prostor i dr.);
 - Tehničko rješenje skladištenja hemikalija i postupanja sa opasnim materijama i otpadom nastalim na predmetnom lokalitetu;

- Posebno obraditi način prihvatanja, skladištenja i pretakanja hemikalija, vodeći računa o primjeni mjera za prevenciju i smanjenje negativnog uticaja istih na podzemne i površinske vode;
 - Na preglednoj situaciji prikazati cjelokupan lokalitet sa planiranim objektima i način odvodnje oborinskih onečišćenih voda sa internih saobraćajnica i radno – manipulativnih površina u krugu poslovnog kompleksa;
 - Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka);
 - Tehničko rješenje za monitoring i način monitoringa ispuštenih otpadnih voda;
 - Usvojenim sistemom prečišćavanja voda treba se obezbijediti da prečišćene otpadne vode, prije ispuštanja u recipijent, trebaju da zadovolje granične vrijednosti emisije definisane Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20).
 - Na predmetnom lokalitetu nije dozvoljeno indirektno ispuštanje otpadnih voda u podzemne vode ili na tlo ukoliko se prethodno ne ispune definisani uslovi, a sve u skladu sa članom 16. stav (5) Uredbe o uslovima ispuštanja otpadnih voda u okoliš i sisteme javne kanalizacije.
 - Projektnom dokumentacijom obuhvatiti i situativno prikazati cjelokupan lokalitet sa objektima, definisati tačan položaj/lokaciju objekata u odnosu na otvorene vodotoke, izvorišta vode za piće, kao i sagledati mogućnost nastajanja neželjenih uticaja na kvalitet površinskih i podzemnih voda.
 - Projektnom dokumentacijom sagledati sve moguće neželjene uticaje kako na planirane objekte, tako planiranih objekata na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno ublažavanje tih utjecaja.
- 2.2. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.
- 2.3. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
3. Ovu prethodnu vodnu saglasnost će Investitor koristiti u postupku pribavljanja okolinske dozvole odnosno urbanističke saglasnosti i ona definiše sve uslove koje Investiciono - tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
4. Po izradi investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
5. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
7. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor „RCB NANOTEHNOLOGIJA“ d.o.o., Sarajevo, dana 22.07.2021. godine, podnio je zahtjev za izdavanje prethodne vodne saglasnosti za ispuštanje tehnoloških otpadnih voda i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada poslovnog kompleksa koji se sastoji od više pojedinačnih objekata za proizvodnju granuliranog karbona i drugih proizvoda primjenom nanotehnologije, na zemljištu označenom kao k.č. broj: 2751/7, 2751/8, 2751/9, 2751/12, 2751/13, 2751/14, 2751/15, 2751/16, 2751/17 K.O. Vogošća, općina Vogošća.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjeni podataka broj: 065-0-Reg-20-002785 od 17.09.2020. izdatog od Općinskog suda u Sarajevu;
- Kopija registri poslovnih subjekata u Bosni i Hercegovini - uvid;
- Ovjerena kopija Uvjerjenja o poreznoj registraciji izdatog od Porezne uprave - Kantonalni porezni ured Sarajevo od 28.09.2020.,
- Kopija Uvjerjenja iz Prostornog plana kantona Sarajevo za period 2003-2023, broj: 05-19-1073/21 od 18.06.2021. godina izdato od Službe za urbanizam i prostorno uređenje, općina Vogošća;
- Ovjerena kopija zemljišnoknjižnog izvotka broj: 10, broj: 32919121 od 20.04.2021. godine, izdat od zemljišnoknjižnog ureda, općinski sud u Sarajevu;
- Kopija katastarskog plana, razmjera 1:5000, broj plana 35, UR broj: 08-26-3004/2021-2 od 21.05.2021. godine izdatog od Službe za geodetske, imovinsko-pravne poslove i katastar nekretnina, općina Vogošća;
- Kopija Ugovora o zakupu poslovnog prostora broj: 27/2020 i 27-1/2020 od 27.11.2020. godina;
- Punomoć od 21.02.2021. godine i od 24.02.2021. godine;
- Dokaz o uplaćenju upravnoj i administrativnoj taksi,
- Studija za snabdijevanje vodom i odvodnjom fekalne, oborinske i tehnološke otpadne vode iz poslovnog kompleksa slobodne zone hale XVI i Hale VI-Vogošća, broj: ZZV-HP-ST-908, juni 2021. godina, urađena od strane „Zavod za vodoprivredu“ d.d., Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari

U skladu sa članom 124. stav (1) Zakona o vodama o zahtjevu je dana 28.07.2021. obaviještena javnost putem obavještenja na oglasnoj ploči «Agencije za vodno područje rijeke Save» Sarajevo broj: UP-I/25-1-40-329-3/21 i u dnevnom listu „Oslobođenje“ objavljenom dana 29.07.2021. godine. U datom roku nije bilo pisanih izjašnjenja o predloženim aktivnostima iz zahtjeva. Za oglašavanje u dnevnom listu „Oslobođenje“ investitor „RCB NANOTEHNOLOGIJA“ d.o.o. Sarajevo je, na osnovu Zaključka o visini i roku za plaćanje posebnih troškova broj: UP-I/25-1-40-329-4/21 od 30.08.2021. godine, uplatio račun broj: BF:3410 dostavljen od Oslobođenje servisi d.o.o..

Na osnovu uvida u dostavljenu dokumentaciju utvrđeno je sljedeće:

- Poslovni kompleks se sastoji od više pojedinačnih objekata za proizvodnju granuliranog karbona i drugih proizvoda primjenom nanotehnologije. Objekti se nalaze na zemljištu označenom kao k.č. broj: 2751/7, 2751/8, 2751/9, 2751/12, 2751/13, 2751/14, 2751/15, 2751/16, 2751/17 K.O. Vogošća, općina Vogošća.
- Objekat se nalazi u okviru industrijske radno poslovne zone bivših pogona UNIS-Pretis/Volkswagen-Tas. Kompletna industrijska zona opremljena je svim komunalnim instalacijama.
- Dostavljenom Studijom je predviđena produkcija i zbrinjavanje sanitarno-fekalnih i tehnoloških otpadnih voda predmetnog kompleksa.
- Aktivnost predmetnog kompleksa definisana je u Studiji za snabdijevanje vodom i odvodnjom fekalne, oborinske i tehnološke otpadne vode iz poslovnog kompleksa, slobodne zone hale XVI i hale VI-Vogošća Investitor „RCB Nanotehnologija“ d.o.o., ZZV-HP-ST-908, urađena od Zavod za vodoprivredu d.d., Sarajevo.
- Investitor je dao punomoć firmi Dvokut pro d.o.o., Sarajevo da u njihovo ime mogu ishodovati sve potrebne dokumente za realizaciju predmetne aktivnosti.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani su uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. i 17. stav 1. tačka 16. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu utvrđenog stanja i provedenog postupka doneseno je rješenje kao u dispozitivu ovog Rješenja.

Na osnovu Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH”, 6/98, 8/00, 43/13) pristojba na rješenje utvrđena je u iznosu od 80,00 KM.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Remić Dženana, dipl.iur.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „RCB NANOTEHNOLOGIJA” d.o.o., Sarajevo
ul. Zmaja od Bosne broj: 7-7A Sarajevo
- AVP, ISV – Vodna knjiga
- Sektor 40, arhiva
- Oglasna ploča, AVP Sava